



**REPUBLIKA E SHQIPËRISË**  
**UNIVERSITETI I SPORTEVE TË TIRANËS**  
**REKTORI**  
**DREJTORIA E BURIMEVE NJERËZORE DHE ARKIV/PROTOKOLLIT**

Tiranë, më 28.08. 2023

Lënda : Njoftim për shpallje konkursi për 2 (dy) vënde të lira pune pranë Fakultetit të Shkencave të Lëvizjes.

**DREJTORISË SË ZHVILLIMIT TË PROGRAMEVE DHE DIXHITALIZIMIT TË SHËRBIMEVE AKADEMIKO-SHKENCORE**  
**KËTU**

Universiteti i Sporteve të Tiranës, bazuar në Ligjin nr. 80/2015, “Për arsimin e lartë dhe kërkimin shkencor në IAL në Republikën e Shqipërisë”, në Statutin e UST-së, si dhe në vendimin e Rektorit të UST-së, shpall kriteret për punësimin e 2 (dy) vëndeve të lira pune për personel akademik **“Asistent-Lektor”**, pranë Departamentit të Sporteve Kolektive, Fakulteti i Shkencave të Lëvizjes në Universitetin e Sporteve të Tiranës.

- I. Kandidatët duhet të plotësojnë kriteret e mëposhtme për pozicionin e punës si **“Asistent Lektor”** me kohë të plotë për lëndën “Futboll”.

**Kritere të përgjithshme:**

1. Kandidati duhet të ketë përfunduar studimet në fushën e kërkuar në përputhje me pozicionin e punës.
2. Të zotërojë së paku diplomë të ciklit të dytë, Master i shkencave ose ekuivalent me të, në fushën e kërkuar. (Diploma e lëshuar nga institucione të huaja të arsimit të lartë dhe institucione të tjera të autorizuara jashtë vendit, duhet të jetë njohur dhe njërsuar paraprakisht nga Ministria përgjegjëse për Arsimin në Shqipëri).
3. Kandidati duhet të ketë notë mesatare të studimeve Bachelor dhe Master i Shkencave ose ekuivalent me të mbi 8.
4. Kandidati duhet të zotërojë me dëshmi së paku një nga 5 gjuhët e Bashkimit Evropian (anglisht, frëngjisht, gjermanisht, italisht, spanjisht).
5. Kandidati të përmbushë kriteret që përcaktohen nga aktet ligjore dhe nënligjore në fuqi.
6. Kandidati të mos ketë prishur ose dëmtuar imazhin e UST-së.
7. Kandidati të mos jetë dënuar me vendim të formës së prerë nga gjykata.

**Kritere specifike**

1. Të plotësojë kriterin e notës mesatare mbi 8 (tetë), në Master Shkencor ose DIND në Fushën e Edukimit Fizik ose Sportit.
2. Të zotërojë me dëshmi të paktën një nga pesë gjuhët e Bashkimit Evropian. (anglisht, frëngjisht, gjermanisht, italisht, spanjisht).

3. Kandidati të mos jetë dënuar me vendim të formës së prerë nga gjykata dhe të mos jetë në procese gjyqësore.

### **Kritere preferenciale:**

1. Të ketë përvojë pune me kohë të plotë ose të pjesshme në Arsimin e Lartë.
2. Të ketë qenë ose të jetë bashkëpunëtor në UST-ë.
3. Të ketë dy referenca nga profesorë të fushës.
4. Të ketë kryer aktivitete shkencore si: referime, botime brenda dhe jashtë vendit.  
Vlerësohen kualifikime të ndryshme që i përkasin fushës së studimit

### ➤ **Vlerësimi i Intervistës:**

- Në aftësitë shprehëse për mënyrën e paraqitjes së filozofisë së mësimdhënies nga ana e kandidatit.
- Prezantimin në ppt dhe referimin e një teme që lidhet me fushën, specialitetin, lëndën që ai pretendon të mbulojë (mini – leksion).
- Të jetë i gatshëm t'i përgjigjet pyetjeve të ndryshme rreth fushës së studimit.
- Kandidati duhet të jetë i përgatitur që mund të intervistohet edhe në gjuhën të cilën ai ka të certifikuar në aplikim.
- Vlerësimi i Kandidatit në Total është me 100 pikë, 30 pikë nga Intervista dhe 70 pikë nga kriteret e përcaktuara.

## **II. Kandidatët që do të aplikojnë për këto vende pune duhet të dorëzojnë këto dokumenta:**

- a) Mbushja e aplikimit (formulari tip) dhe firmosja e tij në cdo faqe, të cilën e shkarkoni nga Web-siti i UST-së.
- b) Shprehje e interesit nga ana e kandidatit me shkrim për plotësimin e vendit vakant duke shprehur në të edhe vizionin e tij për këtë pozicion.
- c) Biografi e punës mundësisht me eksperiencat që lidhen me vendin e punës për të cilin aplikon kandidati.
- d) Kopje e noterizuar e diplomës/ve dhe listës/ve të notave. (Diploma e lëshuar nga institucione të huaja të arsimit të lartë dhe institucione të tjera të autorizuara jashtë vendit, duhet të jetë njohur dhe njëhsuar paraprakisht nga Ministria përgjegjëse për Arsimin në Shqipëri).
- e) Dokumentacionin shoqërues përkatës të nevojshëm origjinal ose të noterizuar, sipas plotësimit të kriterëve të shpallura.
- f) Vërtetim i gjendjes gjyqësore (dëshmi penaliteti) ose formulari i vetëdeklarimit.
- g) Letra rekomandimi nga profesorë të fushës.
- h) Fotokopje të dëshmive të kualifikimeve të ndryshme, të noterizuara.
- i) Listë të punimeve shkencore të publikuara në revista ndërkombëtare profesionale/shkencore dhe/ose punime të tjera, pjesëmarrje në referime shkencore, në konferenca etj; ( mundësisht linku i artikullit ose conferences. ISBN ose ISSN të artikujve ose botimeve).

### **III. Mënyra e dorëzimit të dokumentacionit**

Dokumentacioni i plotësuar sipas kritereve të shpallura të konkurrimit në njoftimin publik dhe në faqen e UST-së, mund të dorëzohet on-line në e-mailin e Drejtorisë së Burimeve Njerëzore dhe Arkiv Protokollit (Ishehu@ust.edu.al) ose me postë sipas afateve të shpallura:

- Në rastin e aplikimit online në faqen zyrtare të UST-së, kandidati është i detyruar që të dorëzojë edhe fizikisht dosjen e tij të aplikimit ditën që do të ftohet për intervistë nëse kalon fazën e parë të aplikimit.
- Kandidati nuk mund të paraqesë asnjë dokument tjetër shtesë përveç atyre që ka aplikuar on-line në web-site të UST-së, (në e-mailin e Drejtorisë së Burimeve Njerëzore dhe Arkiv Protokollit)
- Dokumentacioni i dorëzuar me anë të shërbimit postar dhe data në vulën e Postës Shqiptare do të shërbejë për të përcaktuar respektueshmërinë e afatit të aplikimit të këtyre kandidatëve.

### **IV . Afati i dorëzimit të dokumentacionit nga kandidatët**

- Afati i dorëzimit të dokumentacionit nga kandidatët është 10 (dhjetë) ditë pune nga data e publikimit të njoftimit në faqen e UST-së dhe APP.
- Në zarf duhet të shënohet adresa e saktë e aplikimit; Universiteti i Sporteve të Tiranës, Fakulteti i Shkencave të Lëvizjes dhe departamenti ku konkuron.
- Mosparaqitja e saktë dhe e qartë e këtyre të dhënave përbën shkak për mospranimin e paketës së konkurentit.

**DREJTORIA E BURIMEVE NJERËZORE ARKIV/PROTOKOLLIT**